



ა(ა)იპ – ახალციხის სახელმწიფო სასწავლო უნივერსიტეტისა და სსიპ –
საქართველოს ადვოკატთა ასოციაციას შორის ურთიერთთანამშრომლობის

მ ე მ ო რ ა ნ დ უ მ ი

ქ. თბილისი

„ 30 „ აგვისტო 2012 წ.

ერთის მხრივ, ა(ა)იპ – ახალციხის სახელმწიფო სასწავლო უნივერსიტეტი (შემდგომში „უნივერსიტეტი“), წარმოდგენილი მისი რექტორის, პროფესორ თინა გელაშვილის სახით,
და მეორეს მხრივ, სსიპ – საქართველოს ადვოკატთა ასოციაცია (შემდგომში „ადვოკატთა
ასოციაცია“), წარმოდგენილი მისი თავმჯდომარის ზაზა ხატიაშვილის სახით, ისწრაფვიან
რა ურთიერთობების განვითარებისა და განმტკიცებისაკენ, მხედველობაში იღებენ
ახალგაზრდა თაობების განათლებისა და დახელოვნების სფეროში
ურთიერთთანამშრომლობის საჭიროებას, დებენ წინამდებარე მემორანდუმს შემდეგზე:

მუხლი 1

მემორანდუმის მიზანია:

- ერთობლივი სამართლებრივი კვლევების წარმართვა, საგანმანათლებლო
საქმიანობისა და სტუდენტების პროფესიული განვითარების ხელშეწყობისკენ მიმართული
კვალიფიციური იურიდიული განათლების მიღება, ერთობლივი პროგრამების დაგეგმვა და
განხორციელება.
- მემორანდუმით გათვალისწინებული პროგრამების ფარგლებში უნივერსიტეტის
იურიდიული ფაკულტეტის სტუდენტთა მიერ ლექციაზე მიღებული თეორიული ცოდნის
საფუძველზე, პროფესიული და პრაქტიკული უნარ-ჩვევების განვითარების კუთხით
აქტიური თანამშრომლობა და თანამედროვე მოთხოვნების შესატყვისი კომპეტენციის მქონე
იურისტების მომზადებისათვის ხელის შეწყობა.
- ადვოკატთა ასოციაციის სასწავლო ცენტრის ინსტიტუციონალური
განვითარებისთვის ხელშეწყობა.

მუხლი 2

მემორანდუმის მიზნის განსახორციელებლად მხარეები თანხმდებიან ერთობლივი
მალისხმევით უზრუნველყონ:

- საქართველოსა და უცხო ქვეყნების კანონმდებლობებით განსაზღვრულ საადვოკატო
საქმიანობაში სტუდენტთა გაცნობიერება;
- საადვოკატო სისტემაში დანერგილი სიახლეებისა და ინოვაციების გაცნობიერება;

- საადვოკატო სისტემაში სამომავლოდ დაგეგმილი ცვლილებებისა და სიახლეების გაცნობიერება;
- მოქალაქეებთან ურთიერთობის უნარ-ჩვევების ჩამოყალიბება;
- უნივერსიტეტის სტუდენტთა და პროფესორ მასწავლებელთა სამეცნიერო კონფერენციების ჩატარება;
- საქართველოს საადვოკატო სისტემაში მოღვაწე ადვოკატების მიერ უნივერსიტეტის სტუდენტებისათვის საჯარო ლექციების წაკითხვა;
- იმიტირებული სასამართლო პროცესების მომზადება და ჩატარება;
- სამეცნიერო იურიდიული ჟურნალის მომზადება და გამოქვეყნება;

მუხლი 3

მემორანდუმის ფარგლებში ურთიერთანამშრომლობის კონკრეტული მიმართულებები და პირობები განისაზღვრება მემორანდუმის საფუძველზე გაფორმებული ხელშეკრულებებით.

მუხლი 4

წინამდებარე მემორანდუმის შესრულებასა და განმარტებასთან დაკავშირებული სადავო საკითხები გადაიჭრება მოლაპარაკებების გზით.

მუხლი 5

მემორანდუმში ცვლილებებისა და დამატებების შეტანა შესაძლებელია მხარეთა შეთანხმებით, რომელიც შესრულებული უნდა იყოს წერილობითი ფორმით.

მუხლი 6

მემორანდუმი შედგენილია ქართულ ენაზე თანაბარი იურიდიული ძალის მქონე ორ ეზემპლარად და ინახება მხარეებთან.

მუხლი 7

წინამდებარე მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ მის გაუქმებაზე გადაწყვეტილების მიღებამდე.

ა(ა)იპ – ახალციხის სახელმწიფო
სასწავლო უნივერსიტეტი
ქ. ახალციხე, რუსთაველის ქ. №106


სსიპ – საქართველოს ადვოკატთა
ასოციაცია
ქ.თბილისი, ზუბალაშვილების ქ.№36

რექტორი, სრული პროფესორი:

თავმჯდომარე:

თინა გელაშვილი

ზაზა ხატიაშვილი





შეთანხმება მემორანდუმში ცვლილებების შეტანის შესახებ

ქ.თბილისი

24 აპრილი 2013 წ.

ერთი მხრივ, ა(ა)იპ-სამცხე-ჯავახეთის სახელმწიფო სასწავლო უნივერსიტეტი (შემდგომში՝ 'სასწავლო უნივერსიტეტი') წარმოდგენილი რექტორის მოვალეობის შემსრულებლის სრული პროფესორის მერაბ ბერიძის სახით და მეორე მხრივ, სსიპ საქართველოს ადვოკატთა ასოციაცია (შემდგომში՝ 'ადვოკატთა ასოციაცია') წარმოდგენილი თავმჯდომარის ზაზა ბატიაშვილის სახით, საქართველოში მოქმედი კანონმდებლობის, მხარეთა შორის 2012 წლის 30 აგვისტოს გაფორმებული ურთიერთთანამშრომლობის მემურანდუმისა და არასამეწარმეო (არაკომერციული) იურიდიული პირის - ახალციხის სახელმწიფო სასწავლო უნივერსიტეტისა და არასამეწარმეო (არაკომერციული) იურიდიული პირის - ახალქალაქის უმაღლესი საგანმანათებლო დაწესებულება - კოლეჯის რეორგანიზაციის შესახებ' საქართველოს მთავრობის 2012 წლის 03 ოქტომბრის №416 დადგენილების თანახმად, ვდებთ წინამდებარე შეთანხმებას შემდგზე:

შეტანილ იქნეს ცვლილება მხარეთა შორის 2012 წლის 30 აგვისტოს გაფორმებულ ურთიერთთანამშრომლობის მემურანდუმის პრეამბულაში ასევე, მხარეთა რეკვიზიტებისა და ხელმოწერების ნაწილში და ჩამოყალიბდეს შემდეგი რედაქციით:

მუხლი 1

‘‘ერთი მხრივ, ა(ა)იპ-სამცხე-ჯავახეთის სახელმწიფო სასწავლო უნივერსიტეტი (შემდგომში՝ 'სასწავლო უნივერსიტეტი') წარმოდგენილი რექტორის მოვალეობის შემსრულებლის სრული პროფესორის მერაბ ბერიძის სახით და მეორე მხრივ, სსიპ საქართველოს ადვოკატთა ასოციაცია (შემდგომში՝ 'ადვოკატთა ასოციაცია') წარმოდგენილი თავმჯდომარის ზაზა ბატიაშვილის სახით, ისწრაფვიან რა ურთიერთობების განვითარებისა და განმტკიცებისაკენ, მხედველობაში იღებენ ახალგაზრდა თაობების განათლებისა და დახელოვნების სფეროში ურთიერთთანამშრომლობის საჭიროებას, დებენ წინამდებარე მემორანდუმს შემდეგზე:’’.

მუხლი 2

ა(ა)იპ – სამცხე-ჯავახეთის სახელმწიფო
სასწავლო უნივერსიტეტი
ქ. ახალციხე, რუსთაველის ქ. №106

სსიპ – საქართველოს ადვოკატთა
ასოციაცია
ქ.თბილისი, ზუბალაშვილების ქ.№36

რექტორის მოვალეობის შემსრულებელი,

აღსიავით თავმჯდომარე:

სრული პროფესორი:

მერაბ ბერიძე



ზაზა ბატიაშვილი

